

固本吟

贈隴州佑德  
觀王道正

識破四假身修煉箇眞身欲要成靈物須當固本根清閒無一事疎散絕纖塵已作逍遙客兼爲自在人

無爲吟

自詠

術法我不會打坐我不愛終日樂逍遙終日占自在觀天行大道自然得交泰本師傳口訣無爲功最大

清淨吟

贈華亭縣宰明威

鍛鍊這頑心鍛鍊這俗意心死情不生意滅精自祕心清氣自調意淨神自喜人能常清淨決證神仙位

自然吟

贈隴州蕭防判

道藏輯要

洞玄金玉集

堯

胃集六

頓覺萬緣空頓覺心開悟心猿自然停意馬自然住龍虎自然調神氣自然固金丹自然結神仙自然做

落魄吟

贈真陽子來靈玉

一身放落魄衣掛兩三索脫了妻男讎免受利名縛坐卧無羈絆住行無依托誰知落魄人內隱踏雲腳

聖功吟

贈隴州李鎮國

我有修仙術說破人驚駭淨裏撮乾坤空中安鼎鼐扳倒崑崙山托起大洋海山海變桑田性命久長在

全真吟

借山堂吟韻

全真日兮金烏飛全真月兮玉兔歸青龍戲兮投虎溪是不是

兮孰得知

頌

無有頌

不悟無無迷有有爭知有有郤無無人皆著物物非物我獨如愚愚不愚

通玄頌

得遇投真修妙果玄中通曉些兒箇尋思性命不由天斡運陰陽全在我

見性頌

一點靈光晃太虛丹青妙手莫能摹休將明月閒相比有缺因

道藏輯要

同玄金玉集上

全

胃集六

緣怎類吾

和坊州曹解元次子曹守志

賽過龐公勝陳七俄驚生死忻然出願賢守志莫忘初定是前程子得一

和完顏尼福海所聞空中頌四章

口不念經經自念足不登樓樓自上家鄉悟徹好離鄉心田耕了更無田

又

行也同時坐也同大悲手段絕聽聞救援滯魄與孤魂出離地獄入天門